

Kah 春天有約會

王淑珍

美國有一個哲學家喬治.桑塔亞納欲退休進前，選佇4月份ê某一工，欲來結束伊佇哈佛大學教學ê生涯。

彼工，喬治佇禮堂上最後一節課，愛慕伊ê學生攏來啦，大家攏真m甘伊欲離開學校，連喬治家己嘛感覺有淡薄仔心酸，有失落感。課teh欲結束ê時，一隻真嬌súiê鳥仔飛來歇佇窗仔邊，直直叫，叫聲真好聽，真快樂。伊掠彼隻鳥仔金金看，看有一下仔久，òat頭輕輕仔對來聽伊上最後一節課、大大陣(tīn)ê學生講：「真失禮，我kah春天有約會，我欲來去呀，請原諒我先失陪。」講煞，就按呢無掛無慮來離開。